

漳州府志卷之四十七

灾祥

附寇亂

乾隆志卷三十一後有新增

志星野於前必志災祥於後猶漢書有天文志又有五行志以為之徵也古人事天如事親親之喜怒見於色天之喜怒形於象明於天人相感之際而修省之事起焉太史公曰為治者必明於三五夫子作春秋於災祥大書特書此史家第一義也作災祥志

灾祥

○梁大同六年九龍晝戲西江

○唐開元十三年十一月朔漳浦梁山祥雲見絢爛亘百

漳州府志

卷之四十七

灾祥

一

三百六

里彌月而止○貞元六年大旱觀察使吳湊檄當州官吏詣梁山禱雨祥雲見大雨三日○天寶八載邑民鍾文定獲白鹿牝牡各一

○宋咸平二年十月山水泛濫壞民舍千餘區州民黃孛等十家溺死○大中祥符七年二月民邱顛于九龍溪獲一魚腹中有珠圍潤三寸七分旁有細珠七狀如七曜○治平四年秋地震裂長數十丈濶丈餘有狗自中出視其底皆林木蔚然○熙寧十年饑○崇寧元年旱○政和七年二月十二日甘露降于司理院雙梅上光燦射日味甘如飴三日未晞○紹興十四年靈芝三莖

產于郡學戟門之東楹。十八年漳浦崇照鹽場海岸連有巨魚其一高數丈割其肉數車不動反刺其目乃轉嘴震鬣旁船皆覆又其一為漁人所獲長二丈餘重數千斤剖之有人橫腹中膚髮如生。京房易傳曰海數見巨魚邪人進賢人疎。○乾道六年漳浦旱。○隆興二年大旱首種不入自春至于八月。○淳熙四年州治灾守趙公綢建堂署有白鶴自半空而下翱翔飛舞移時乃去。○郡學有槐三莖生于儀門上之聖莖各七葉蒼翠經月。○十年九月乙丑大風雨水暴至州城半沒壞八百九十餘家。○十一年四月不雨至于八月是年亡禾令守臣賑粟貸種

漳州府志

卷之四十七

災祥

二

四百十五

○嘉定九年五月大水漂田廬害稼。○十六年秋大水壞田稼。○紹定元年龍江書院仰高堂產瑞芝九莖色如截肪

○元至治三年九月水。○泰定三年九月水。○至正十四年漳浦大旱

○明宣德五年長泰林震宅前兩井鳴三日。是年震狀元及第○

正統十年十一月癸未地日夜連九震鳥獸之屬皆辟易飛走山崩石墜地裂水湧公私屋宇摧壓者多凡百餘日乃止龍巖長泰南靖其震皆同。○天順五年五月戊午夜風雨大作墜石拔木洪水汎溢漂人畜甚衆東

門內外譙樓皆圯漳浦縣漂人畜尤甚。○七年七月疾風暴雨北溪洪水漲平地深五丈柳營江橋亭漂沒無遺。○成化十年四月大鳥止郡庭榕樹上身色青灰翅黑嘴足淡紅頭舉高丈餘舒其翼盈二丈攫紫背白鷺而吞之後爲弩人射死。按此乃知府張瓚時事通志作九年誤○七月戊午夜暴雨不止山崩洪潦奄至城垣幾沒人物漂蕩浮屍蔽江南門石橋二間圯軍民廬舍壞者不可勝計。○丙申丁酉歲漳浦大饑。○十二年大旱至八月中旬漳浦七都下坂社有物若雲片亂墜形類猴猿相接引長一二丈初活動少頃消滅。○十八年秋八月甲寅夜火

漳州府志

卷之四十七

災祥

三

四百四十四

燔雙門樓及公私廬舍數百區。○二十一年春夏淫雨龍溪漳浦南靖三縣田廬禾稼多壞。○二十二年九月長泰地震一日三次。○宏治十五年龍溪縣十一都有泉自東埭山暴湧而出漂石流沙壅田數十畝。○十六年秋八月長泰大水漂沒民居。○十七年四月文山大楓樹上產異花一簇其狀如蘭其葉如桂有殊香凡四十日乃謝。○九月西方有大星墜地其聲如雷園蔗燒枯。○正德四年漳浦蝗入境食禾稼知縣胥文相爲文以祭害亦旋息。○八年九年饑有司開倉賑濟。○十四年秋八月平和地震詔安漸山上龍起聲如摧屋山塌

裂深廣丈餘。十五年二月二十五日長泰地大震其聲如雷。嘉靖四年歲大稔。七年龍溪漳浦平和甘露降松栢上如霜。餉食之甘。梁山鳥凡三日乃止。八年長泰元夕張燈譙樓前自相蹂死者凡百有七人。○漳浦三都生員鄭習妻一乳三子俱育。○埤田有雄雞生一獸如猫兒狀。○十月平和白虹見。○九年漳浦饑其春麥熟山竹生實如米採之數百石饑民賴以供食。○正月漳浦四都有海與三峯並列其日忽沒于海不見頃之三峯並爲一屹立騰空有樓臺巍煥之狀變態不常浮沉不一如是者凡三日識者以爲蜃氣見云。

漳州府志

卷之四十七

災祥

四

四百四十九

○十月彗見西方踰年始沒。○十一年彗見東方冬盡乃沒。○十一月平和雨雪尺餘自是年歲大熟。○十二年冬十月星隕如雨。○十四年平和夏旱。○秋大水。○十一月海澄八都火延燒千有餘家。○十五年南靖大旱蝗起。○十六年旱漳浦大饑。○龍溪甘露降。知府孫裕作甘露亭。○十七年長泰上曷地方巨石無雷裂騰數十片。○

春三月平和地震。○二十二年龍溪長泰地震自四月至六月震三次。○夏四月長泰隕霜。○秋平和清寧里

龍見

黑紅色飛入雲自北而東移時沒既而大雨

二十三年龍溪平和大饑

○長泰大旱。○海澄九都火延燒數百家。○漳浦自二

十三二十四二十五年俱大饑○二十四年正月十六
日夜南山寺灾○夏六月長泰大雨雹大水漂廬禾稼
傷○是年旱龍溪長泰南靖俱大饑平和有虎患○二
十五年饑○秋七月龍溪長泰雨雹○二十六年大熟
自是連歲俱熟○二十七年三月二白虹頭貫日中其
長竟天○漳浦大水漂溺民居甚多○二十八年五月
五日南河競渡城中男婦盡出粧採蓮船遊玩忽午後
颶風大作船覆溺死者六十餘人○冬十月地震有聲
如雷○三十三年郡城黑雨○海澄九都火延燒數百
家○三十四年春二月府治灾○夏四月長泰縣有羣

漳州府志

卷之四十七

災祥

五

四百三十七

虎出害人欽化地方尤甚三十六年亦如之○三十五
年春二月彗星見北方長丈餘凡三十餘日乃滅○三
十六年三月詔安雨雹大如雞卵破屋二時乃止四都
爲甚○三十七年三月梁山鳴漳浦海澄雨雹大如斧
碎屋傷畜無數○六月有黑雲降于郡西郊溝水皆沸
屋瓦亦飛其夜有大星隕○十月二十四日詔安紅水
隨潮上瀕海居民取蠶食者多死○三十八年六月十
六日夜海澄有星隕如雷自西北方起○十月漳浦有
星墜地大如斗自西及東其聲如雷○二月漳浦西郭
外唐將軍廟前榕樹產靈芝數本黃蓋金英獻于縣○

三十九年七月南靖大水夜至黃井村民有全家漂沒者○四十年龍溪南靖春夏旱穀貴○五月有星犯月○四十一年又旱○四十二年夏大水高三丈餘壞龍溪南靖民田千餘頃及南橋趾俱崩漂流民居百餘家○四十三年六月南靖縣北大帽山鳴三夜秋大水滄男婦五十餘口漂民廬二百餘區○是年長泰林前地方有三虎同山下山噬一家男婦七人○四十四年南靖永豐里雨雹大如鷲卵折樹碎瓦人畜俱傷○二月初六夜詔安東北城上鋒尖出火○四十五年三月十二日黑光摩盪自辰至巳○十月南靖縣後窟院前

漳州府志

卷之四十七

災祥

六

四百三十七

坵等處池水滾起尺餘○詔安五都自七月不雨至于來春二月井水皆竭○隆慶元年正月二十九日平和地震○二年三月十七日海澄有黑雲挾龍自八都東方起捲屋裂瓦火光倏忽燒燼苗蔬古塚棺柩亦有擊移者至港口而滅○九月梁山鳴○十月漳浦五色雲見○三年至四年連歲大熟米斗值錢二十文○四年夏六月初六日龍溪漳浦長泰南靖平和五縣烈風暴雨洪水漂沒民居不可勝數郡南橋壞○七月初十日長泰良崗石高二山鳴五夜乃止○十二月十七夜南靖星隕鳴如雷○萬歷元年六月二十四日夜月港橋

火燒店屋百有餘間橋板俱拆○六月旱○是年南靖
程溪民歐氏生兒六手隨死○五年八月有星見于西
南其狀如帚長數丈月小盡漸滅○六年十一月長泰
雨雹○七年漳浦大饑修城籍饑民爲夫廩給之○九
年五月二十四日有龍起于十一都廬州渡江至雲洞
而止禾稼損傷而無風雨○十年五月漳浦大水高丈
餘○十八年四月穀貴城內外饑民聚衆搶掠大戶數
十餘家知府李載陽各兵緝捕逾三日乃定執倡亂者
殪于省獄○是月初十日長泰雨雹大如鷲卵○六月
二十一日大風自卯至辰吹折東門北門二樓拔木壞

漳州府志

卷之四十七

災祥

七

四百三十七

屋不可勝數○是月南靖大水○二十年長泰大雨雹
小者如卵大者如拳○二十一年四月初九日申時雷
震府文廟及明倫堂○二十三年七月十九日二十日
大風雨潦壞民廬舍漳浦銅山發屋拔木○二十五年
春遍地生毛八月二十八日溪池自湧水溢數尺各縣
俱同○二十六年正月十六日淨衆寺前火藥局井中
藥自生火爆發震劈旁居男婦二十七人至有飛骸數
里外者房屋碎壞百有餘所聲聞百里○三月海澄火
○六月二十日平和縣東廂外陳孫家雷震適幼孩在
轎中轎飛出屋外打碎孩跌地尚存○二十七年六月

海澄火○二十日平和大蘆溪洪水突出漂沒田廬人畜無數○二十八年閏二月十二日詔安地震○八月二十三夜戌時地大震異常是日詔安尤甚壞城垣南灣城亦圯至數十丈二十四日酉時又大震○二十九年九月二十二日大水壞新橋○十月十一夜戌時地大震子時又震至五更有星變如雨○三十一年八月初五日未時颶風大作壞公廨城垣民房是日海溢堤岸驟起丈餘浸沒漳浦長泰海澄龍溪民舍數千餘家人畜死者不可勝計有大番船漂衝入石美鎮城內壓壞民舍○十一月初九日地大震有聲連震二十餘日

漳州府志

卷之四七

災祥

八

四百三十七

至十二月初乃止○三十二年八月海澄三都地震○三十六年正月疫起至于五月○五月漳浦地大震地上生毛○自三月不雨至于六月人糶米貴○三十九年六月二十日慶雲見于郡城西北五色彌天移時乃散○四十年十月初二日詔安地震○四十一年二月漳浦東關外憲臺里井鳴數日聽之如水車之聲○五月二十六日大水龍溪漳浦南靖詔安民田廬舍漂損甚多城南新橋壞○四十二年六月長泰大水○八月初五日大風雨飛瓦拔木西南北三溪洪水漲田廬櫬柩多漂入海○是年漳浦饑知縣區龍楨發糶賑粥○

四十三年四月米價驟湧村落絕糶海澄知縣陶鎔發賑饑民。四十五年六月大雨連日不止西北二溪水漲城垣不浸者僅尺許城外沿溪海澄等處民舍悉漂去溺死者不可勝數。先數日有鳥一足狀如鷄跳舞於澄之吾養山蓋商羊也。四十六年七月長泰雨雹大如拳屋瓦盡碎大樹中斷如斧斫者數里。八月有白氣起于海上東方狀如腰刀至仲冬乃止。泰昌元年四月東方有氣長竟天。六月有日如並出者三尋滅。○二年郡城南門外火延燒入城至龍亭庫前乃熄。○四年郡城內外遍地生白毛南隅居民有母猪生子形

漳州府志

卷之四十七

災祥

九

四百三十七

似小兒瞬息而死。○是年漳浦大旱。○六年夏大饑長泰米斗四百錢饑殍載道邑人戴旋發積粟平糶。○八月大風飛沙拔木鳥雀多死。○七年龍溪漳浦海澄南靖長泰大饑。○六月海澄有大星從縣南飛向西而墜火光散亂數星隨之。○崇正三年七月十五日龍溪南靖大雨如霆翌日洪水至漂流廬舍甚多。○四年四月海滄降赤雨。○五年三月十四日晨有二啓明並起相聯至十七日乃止。○七年七邑大熟。○六月郡城外南橋火。○十月地震。○八年五月初四日漳浦南溪競渡民擁觀于城樓迅雷突起震死者十有四人。○九年六

月太白經天。○八月詔安大風壞民屋。○十一月大雨
雪積冰厚一尺半。羊草木多凍死。○十二年四月廿三
日漳浦星隕化爲石。銅山有石水中起行五十餘步。
八月十五日南靖龍溪大水。○十月初一日又大水。禾
稼登場悉被漂去。○十三年正月朔日食。○閏正月大
雷連陰至三月朔乃止。○八月漳浦雨白豆于西宸嶺
鷄犬食之斃。○是年郡城火大疫。○十四年八月廿六
夜東橋下營火延燒二百餘家。○是年冬詔安有芒星
數十擁一大星自東起墜於西有聲如雷。○十五年七
月府前火八月十四夜月明如晝半空有聲如大鳥號
鳴視之無物。

漳州府志

卷之四十七

災祥

十

四百三十三

國朝順治二年六月朔日食既白晝如夜。○三年五月初
三日太白晝見望後乃隱。○是歲漳屬冬大熟。○五年
各縣大饑米價每斗銀六錢。○六月雷燬郡城文昌閣
○七年大饑。○十二月二十六日寅卯二時各縣地大
震。○九年正月潮水突漲五尺鄭成功入海澄。○是歲
漳城被圍城內人相食斗米直銀五十兩圍解收顛骨
得七十三萬疫大作死者無數。○十年九月漳浦大水
雲霄將軍大臣二山俱崩。○十一年旱。○冬大寒隕霜
不殺蟲。○十二年二月二日日有三暈狀如連環。○十

三年正月漳浦大雪高二尺○十八年南靖有白燕雙
集文廟飛鳴數日○

康熙三年九月彗星見于長泰西方漳浦詔安大饑餓死
者相枕藉嬰兒皆棄于路○四年四月長泰饑時米貴
加以遷界諸縣餓莩僵屍相望于道○五年六年連歲
大熟自此米價平至二十餘年○七年五月有星見于
東方形如劍○六月十八日七邑同時大水官報田廬
淹沒災傷者察免是日南橋壞郡南水高與城齊○九
年六月龍溪大水○八月郡城北隅有婦人產子手如
猪蹄生背上○是年漳浦旱○十一年至十二年長泰

漳州府志

卷之四十七

災祥

士

四百三十五

多虎踰垣入室八里內吞噬者千餘人○十三年三月
開元寺大佛頭無故自落如刀斷○十四年三月彗星
見○九月二十夜有大星如斗墜南方衆小星隨之○
八月十五夜詔安颶風忽起大木盡拔民居屋瓦飛去
○十五年十月彗星見光芒丈餘經旬不滅○十七年
龍溪有白氣二道見北方十餘日乃滅是夏大水○十
八年七月朔漳浦泮池龍起滿城光艷○十九年彗星
屢見夜昏有白氣見東南○二十二年四月平和大雷
震平地倏積尺餘屋舍田禾多爲所傷○二十三年正
月梁山鳴○二十四年六月水圯郡城南橋沿海一帶

禾稼多壞○二十五年閏四月十二日夜大雷雨郡城
震死者八人○雲霄有土圍二十餘家夜水驟至圍圮
屋架連結不散漂至十餘里遇竹林共挽係之竟得救
不損一人○二十六年雲霄陳五妻一乳三子俱育○
是歲各縣大熟米值錢二十文○三十年十一月二十
夜雷大震○三十三年大水郡城南橋一帶民居盡沒
○三十五年四月梁山祥雲見○三十七年春夏米貴
漳浦知縣陳汝成請發倉平糶○四十年大旱各縣禾
苗盡枯○平和瑄溪龍起見黑雲上下相合中有物隱
見蟠屈飛舞風雨大作頃之黑雲上騰溪前後十餘里

漳州府志

卷之四十七

災祥

主

四百三十八

水盡涸人畜或飛墜他處惟禾稼不傷○四十一年又
旱登高不見青草五月乃雨○四十二年七月廿七日
龍溪有慶雲見于西方五色俱備移時乃散○四十三
年詔安江畝坑村民黃平一產三男○四十四年詔安
春夏大旱溪河井水盡乾民食草根木葉○六月平和
驟雨傾盆近郭之山皆化為灘漂去二十餘人○九月
詔安大水暴漲山田多崩陷○四十六年六月漳浦大
水壞縣城東角自南門以至雲霄等處廬舍漂沒不可
勝計知縣陳汝成分賑難民葺城是日雲霄鎮城崩至
四十九丈○四十七年八月朔日食既○四十八年春

南靖有雙白燕飛繞學宮。夏大風貢院毀。四十九年大旱民多饑死者。

皇上欽差部院大臣發漕米三十萬從海運分賑漳泉福興。○五月海澄一帶海溢。○閏七月初五夜漳浦海水暴漲颶風大作漂沒民居一千八百五十餘間溺死男婦四十一人布政司金培生知府魏荔彤知縣汪紳文各捐金收卹之。○五十年七月十八夜地震各縣同九月又震。○十二月龍溪兩雹。○五十二年四月廿七日各縣大水南靖尤甚沿溪田園盡沒。○十二月二十日郡城外南橋火知府魏荔彤捐木植重修之。○五十六年

漳州府志

卷之四十七

災祥

三

四百三十五

四月二十七日龍溪大水田裏港岸崩

按港岸崩壞則南河從田裏港

直下而詩浦港繞城之水不復環抱有閩郡治形勝故特紀之

○五十七年四月詔安

大雷雨江畝坑有四童被雷震死一童攝去數丈之外

絲毫無損秋大風雨河水暴漲平和城壞西北隅百餘

丈冬十月漳屬蟲食禾稼殆盡獨平和不為災。○五十

八年夏平和麥秀兩岐是年長泰石銘里高層等處羣

虎為患噬百餘人。○六十年夏海澄地生白毛。○十二

月詔安兩雹小者如米大者如豆。○六十一年五月十

五日雷震府學大成殿。

雍正元年夏詔安大雷雨有怪物在東南海中湧起黑雲

道所過瓦屋飛碎樹木振拔壞東北城樓北門池水盡涸池魚飛至良峰山頂是夜大雨如霏。二年南靖浮山居民劉照家一產四男僅育其二。是年五月初十夜長泰颶風大作早禾僅存空穗兩壞田廬無數。八月初八日南靖大水淹過文廟半壁。三年六月廿七日長泰大雨水淹過東南城墻視康熙五十七年更高三尺沿溪廬舍盡衝決。八月復大雨平和南洋粗溪大峯村落悉淹沒死者甚衆。四年漳屬大饑斗米貴至三百錢民多採樹葉以充食。五月南靖大水城垣衝決若干丈沿城馬道悉崩壞。五年漳屬大饑鹽

漳州府志

卷之四十七

災祥

古

四百三十八

亦騰貴人有餓死者。六月長泰大水田禾盡漂沒。是年八月南靖大水有颶風從東南角起明倫堂棟瓦騰空直上數尺壓訓導張芳浦夫婦其下越二日水退揭開視之安然無恙咸以爲異。七年二月長泰雪積數尺畜多凍死。八年七月南靖大水中興社衝壞堤岸百餘丈廬舍田疇沉沒以千計。九年八月南靖復大水衝壞田廬無算城西北角崩頽五十餘丈淹壞倉粟四千餘石。九年八月初四夜龍起龍溪壺巖大風拔木壞民居無數行人有被風挾過溪者晦暝中見火光熒熒然。九年九月廿二夜地震。十年四月初四

日雨雹大如卵長泰尤甚。○八月水。○十二年正月十四夜長泰縣後山檫樹自焚良久火乃滅。

乾隆元年正月二十六日雨。○秋九月星隕于長泰西南隅白氣如雲經天不散。○二年龍溪龍江里人陳茂椿家盆荷一根開花紅黑色又有一花而紅白間者。○是年長泰恭順里東溪池荷花俱並蒂。○八月詔安有虎患。○五年長泰十一月二十七夜有星墜東方光芒有角二十八夜東郭火延燒城樓及市廛百七十餘間僅存龍津橋天后宮一座。○六年春旱米價騰貴。○十一月南靖有白燕雙巢馬坪許氏家廟明年許本巽登進。

漳州府志

卷之四十七

災祥

五

四百三十四

士第。○七年旱正月至四月不雨歲大饑。○九年正月初十日長泰石銘里溪中水噴巨石自裂聲如雷。○十二年旱自八月至明年三月乃雨長泰尤旱田禾盡槁。○是年五月海澄大巖山鳴。○十三年春旱至秋七月乃雨。○五月初三夜烈風迅雷長泰五里亭棟瓦皆傾石碑盡仆榕樹大可數十圍亦拔起。○十四年四月初一日地震。○是年大稔。○十七年三月二十九日龍溪大雷雨同時震死者數人。○七月大水田廬漂沒行船自相擊碎海澄沿海船盡漂沒浯嶼浮屍甚多。○十八年海澄大疫人畜死者無數。○是年漳浦大水。○十九

年閏四月十八日風雨大作南靖平和尤甚海澄西南
二溪水驟漲數丈淹沒廬舍四千八百五十餘間人畜
損傷甚多○五月復大水龍溪民廬半漂沒漳屬七邑
俱被災奉 文賑卹○二十二年春大旱田無播種○
二十三年復旱河渠皆涸詔安漸山出火光焰燭天逾
時乃滅○二十八年七月二十日酉刻有大星從東而
墜及天半分爲數星隕如雨少頃有聲如雷是秋霜隕
禾穗歲大饑○二十九年春正月平和大雪是歲稔○
三十年夏旱○三十五年大水漳浦海澄尤甚潮水衝
決沿海堤岸數十處詔安山邊村黑雲騰起溝水沸數

漳州府志

卷之四十七

災祥

六

四百三十八

丈須臾淋雨驟至○平和田禾有一莖雙穗亦有三穗
者邑人稱瑞○三十六年七月初一日長泰恭順里角
人磔村地裂一家二十三人盡沒焉村在山腰先是十
餘日村民隱隱聞地下聲僉惡其不祥朔旦具鷄黍祀
神禳之傍晚而陷時有牽牛入室牛忽斷繩而奔男婦
共逐之尚一孩坐室啼婦返抱出之一家俱免又一人
提鷄黍向鄰村饋並免在鄰村遙望該處有圓光如毬
從山峯墜俄聞崩陷聲反視之則一村盡沒十尋之樹
沒不見其杪經府縣履勘約寬三十丈長三里許○三
十八年春三月雨雹○六月早稻穗兩歧是歲稔○三

十九年正月元日申刻漳浦西北有聲如雷隆隆然震山谷是秋雲霄鎮起蛟九月旱風傷晚禾。四十年正月元旦漳浦天雨泥如鳥糞。四十一年五月廿一日大水郡城南門水驟湧一丈餘南橋衝圯南靖平和皆被災

寇亂附

○唐高宗儀鳳中廣寇陳謙等連結諸蠻攻漳潮等處左郎將陳元光討平之。中宗景龍二年潮寇雷萬興苗自成之子集眾潛抵岳山刺史陳元光討之步兵後期為賊將藍奉高所刃卒于綏安大峙原萬歷志載開元間與流寇陳誠

漳州府志

卷之四十七

災祥

七

四百〇五

戰死今從浦志及陳氏家譜

○元宗開元三年守漳州刺史陳珣率師襲破藍奉高賊峒斬之俘其餘黨珣元光子。僖宗光啓

元年王緒攻陷汀漳二州

○宋高宗紹興十四年汀賊華齊寇漳州長泰安撫司遣兵捕賊為所殺將佐趙成等起兵拒之。十五年四月遣後軍統制張淵討捕福建廣東盜賊平之。十八年流寇劫長泰邑人蔡君澤糾聚鄉兵保石高寨賊攻寨君澤率兵擊破之。孝宗淳熙十三年草寇楊勅等五百餘人突入長泰縣民居官舍秋毫無犯繼是有華齊寇聞諸朝命韓總管追捕俘以獻又有鹽商廖官沈射

等寇俱降之。○五年汀寇陷長泰焚燬民居殆盡。○理宗淳祐四年鹽寇掠漳浦議築城不果。○度宗咸淳二年有寇由鷓鴣劫洋山遂攻長泰城縣令陳春伯率兵三百餘人夜擣賊營磔其首餘衆潰散。○恭宗德祐二年八月漳州亂以陳文龍爲閩廣宣撫使討之尋以黃恡爲同提刑招捕使兼知漳州以文龍知興化軍

○元太祖至元十七年八月劇賊陳吊眼陳桂龍陷漳州殺招討傅全萬戶府知事闕文興死之妻王氏赴火死旣而唆都來討吊眼出走陳桂龍逃入畚洞。○十八年十一月獲陳吊眼誅之餘悉收兵仗繫送京師。○十九

漳州府志

卷之四十七

災祥

六

四百三十七

年征蠻完者都平陳吊眼賊巢陳桂龍及吊眼父文桂納欵命護送京師餘黨吳滿張飛拒敵誅之。○二十年流桂龍於愍答沐之地。○癸丑志至元十七年陳桂龍據漳州後至元十八年勅誅汀漳首惡陳吊眼十九年完者都平吊眼巢二十年流桂龍於愍答沐按元史順帝至元六年改至正則後至元無十八十九二十年也揭文安雙節廟記至元十七年八月望劇賊陳吊眼率衆爲亂殺招討傅全知事闕文興戰死則吊眼爲前至元無疑癸丑志誅吊眼流桂龍並繫於後至元謬矣今悉討正首吊眼誅元惡也。○二十一年二月漳州盜起

命浙行省調兵進討。二十五年循州賊萬餘人寇漳浦泉州賊二千寇長泰贛番賊千餘人寇龍溪皆討平之。三十六年番賊邱大老集衆千人寇長泰福州路達魯花赤脫歡同漳州路總管高傑討平之。十月廣東賊江羅等寇漳州。順帝至元四年南勝賊李志甫作亂。六年義士陳君用起兵襲殺李志甫三月赦劉虎仔以下挾從之罪褒贈軍將死事者。至正五年賊萬貴與嘉禾千戶何迪立寇漳圍長泰天成寨邑人蔡淳攻破之。十四年汀州賊寇長泰。十七年四月汀漳叛賊廖得勝伏誅。十九年南勝番寇李國祥合潮

漳州府志

卷之四十七

災祥

九

四百一十五

賊王猛虎陷南詔新翼萬戶羅良率兵討敗之復南詔。二十一年西林賊陳世民入寇漳浦總管羅良攻之世民奔潮良追之其黨殺世民以降。二十五年三月泉州賊二千人寇長泰縣尹蔡淳討平之既而循州賊萬餘寇漳浦。二十六年陳有定陷漳州總管羅良死之。二十七年山寇蔡子貴竊發于長泰邑人築寨石岡山以避之。

○明正統十一年饒賊千餘人流劫入漳四月焚月港義士陳孔叶率衆拒之殲其魁賊悉遁。十四年沙尤寇鄧茂七倡亂其黨楊福率衆數萬攻陷漳浦南靖長泰

圖漳城漳州衛指揮顧斌大破之保定伯梁瑤都督范
雄擒殺漳民應賊者既而賊圍南詔八閱月耆民涂膺
許尚端等嬰城固守却之茂七沙縣之輿皂也與弟茂八以左道惑眾愚民從者數

萬偽稱羅平王尋逼漳境漳民張福榮會欽重陳皓蔡孟貞等應之遂陷諸縣○宏治四年漳

平賊溫文進陷長泰副使司馬聖督兵討平之○十七

年十月有賊百餘人詐稱公使入南詔城殺傷甚眾擄

七十人以去○正德元年廣東賊寇漳州始至不滿九

十人後依附日眾自南靖流劫長泰安溪永春長泰被

害尤甚○二年山寇朱廷瑛流劫漳浦雲霄等處○八

年蘆溪賊反南贛汀漳巡撫王守仁合二省兵討平之

漳州府志 卷之四十七

災祥

二十

六百六十一

指揮覃桓漳浦縣丞紀鏞戰死先是汀漳山寇憑險為亂守仁至先行十家甲

法講鄉約以訓勅其父老子弟賊聞而易之左右及麾

下多為賊耳目守仁得老隸最黠者一人置密室脇之

隸逼盡吐情實守仁貫其罪每事示以不可測或擇吉

出師輒止或將發不果蓋以多方誤之也未幾破賊於

長富村追至象湖會閩廣兵至且合賊逼潰圍出指揮

覃桓縣丞紀鏞戰死諸將懼請俟狼兵守仁怒曰小劉

何損且兵豈不足耶乃進屯上杭既至日犒師諭以俟

秋再舉謀賊懈分兵三路同夕銜枚疾走中軍奪象湖

之隘方大戰奇兵乘間發遂大破之斬大酋詹師富等

守仁復奏巡撫權輕不足控壓乞假便宜行事兵部尚
書王瓊贊之于是守仁益展材用立兵符申約束且為
文撫諸賊詞旨悱惻懇至賊酋黃金巢盧珂鄭志高等
相率皈命已遂遣兵破橫水賊擒其大酋謝志珊使使
諭降賊方狐疑未決乘其懈襲擊復破之擒大酋藍天
鳳等時淵頭賊尚強其酋池大鬚尤桀黠故與降賊盧
珂鄭志高讐守仁使使諭降大鬚以二人為辭守仁乃
佯責珂等下之獄復諭使來見大鬚語其腹心曰欲得
伸必先屈贛州伎倆我亦欲先勸之遂以其說勇九十

二人裹甲來守仁為慰諭宴犒使更新衣習禮供帳
設大鬢等魚貫入僂之庭無一脫者出珂等使為嚮導
夜半破洲頭石門覆其巢擒斬無算餘奔九連山守仁
以九連山深險不易攻使精卒七百衣賊衣佯若奔潰
者從崖上招呼與相應久而賊覺則師已度險狼狽失
據大軍蹙之皆就縛守仁既已盡得賊地乃相險要增
設平和
縣治 ○嘉靖二年廣東汀漳賊流劫漳泉兩郡合兵

戰于安溪霞村漳州通判施福泉州衛經歷葛彥俱為
所獲以金贖回長泰知縣歐典與賊新大總戰於旌孝
里長埔坂喪其家兵四人○三年十月廣東汀漳賊復
寇泉之永春御史簡霄檄按察司僉事聶珙督同南安
知縣顏容端德化知縣梅春安溪知縣龔穎永春知縣
柴鑣同安典史周惟會龍溪知縣黎良等合兵追賊至

漳州府志

卷之四十七

災祥

三

五百三十九

德化大破之○七年北溪妖賊黃日金倡亂知府陸金
乘其未發計擒滅之○十二年山寇蹂躪漳泉之交海
澄沙坂人周王質率民兵與戰敗之乘勝深入力戰死

○二十五年詔安白葉洞賊陳瑩玉劉文養反寇閩廣
二省南贛軍門檄平和知縣謝明德率典史黃瑜詔安
典史陸鈇以象湖小篆鄉兵討平之○二十六年佛郎

機番船泊浯嶼巡海道柯喬知府盧璧龍溪知縣林松

發兵攻船不克

時漳泉月港賈人輒往貿易官軍還通

販愈甚總督閩浙都御史朱統厲禁獲
通販者九十餘人行柯喬及都司盧鏜就地斬之番船
乃去喬鏜尋被論皆擬重典郎中陸穩奏釋之盧璧以
改調
去 ○二十八年有倭寇駕舡揚航直抵月港安邊館

壯士陳孔志授檄往援乘巨艦直當其衝中炮死倭亦隨遁

漳有倭患自此始

○二十九年贛州洞寇李文彪等作亂

漳州府通判謝承志率兵禦之中途爲其所獲旣而得釋○三十四年二月初五日夜監犯吳天祿反焚府堂經歷照磨檢校官房六房科卷宗悉燬天祿斬東門出旣而獲于廣東大埔斬之○九月長泰縣訛言兵至男女驚竄一城爲空○三十五年十月倭寇自漳浦六都登岸屯住後江頭土城流劫詔安焚掠無數○三十六年六月海寇許老謝策等突至月港登岸焚燒千有餘家殺擄無數○十二月倭船泊浯嶼尋出潮州澄海界

漳州府志

卷之四十七

災祥

三

四百四十四

登岸襲陷黃岡土城劫掠詔安○三十七年三月倭寇自潮州突至詔安劫三都徑尾○五月劫五都東坑口土樓遂寇漳浦盤陀長橋○是月賊船有由滄泉奄至月港者焚九都室廬殆盡奪舟出海○十月突至銅山攻水寨上至漳浦六都埔尾土圍下至詔安城外惟東坑畚一帶焚劫尤慘百戶鄧惟忠督兵遇于深田擒倭四人斬二人旣而海寇謝老洪老卽洪迪珍等誘倭二千餘人再泊浯嶼○三十八年正月倭寇由島尾渡浮宮直抵月港奪舡散劫八九都珠浦及官嶼等處復歸浯嶼○二月有倭寇數千自潮州掠詔安雲霄漳浦○三月

由東厝嶺抵月港八九都轉石碼福許東洲水頭奪舟
流劫隨至長泰善化里○四月薄縣城知縣蕭廷宣率
衆禦却之○八月由龍溪天寶市入南靖九月屯永豐
竹員所過各縣焚劫殺掠不計既而至平和清寧里知
縣王之澤率兵禦之○三十九年正月倭寇由同安屯
三都二月渡江流劫方田漳浦佛潭橋峯山溪南等處
○三月突入長泰高安四月五月屯月港○五月饒賊
張璉僭稱偽號衆二千餘襲陷雲霄城城中爲墟○六
月詔安三都溪東民鍾宗桓等爲亂知縣龔有成撲滅
之○九月饒賊陷詔安二都赤嶺寨○十一月饒賊蕭

漳州府志

卷之四十七

災祥

三

五百八十二

雪峰犯南靖縣知縣殷伯固率兵與戰遁去時各處其
被倭饒殺掠草寇乘風竊發郡無寧土○四十年正月
月港二十四將反巡海道邵榘遣同知鄧士元縣丞金

璧往撫之

先是丁巳間九都張維等二十四人共造一
大船接倭官莫能禁戒午冬巡海道邵榘發

兵勦捕次于許坑維等率衆拒敵官兵被殺由是益橫
各據土堡爲巢張維據九都城吳川據八都草坂城黃
隆據港口城旬月之間附近效尤各立營壘九都有草
尾城征頭寨八都有謝倉城六七都有槐浦九寨四五
都有方田溪頭浮官霞郭四寨互相犄角各有頭目號
二十八宿三十六猛官府爲倭饒亂故屢招之竟不服
是年春再議發兵撲滅榜示遠近諸寨轉相要結乘輕
舸入鎮門以拒兵衝進薄東山水頭等處攻破虎渡城
殺掠尤慘又攻田尾合浦漸山害甚于倭南溪荆棘梗
用以賊攻賊之計遺金幣招致洪迪珍倭衆由陸路經
詔安漳浦取道漸山進擊八九都戰于草坂城外倭敗
走死者無數郡城戒嚴復令海防同知鄧士元龍溪縣

丞金壁往撫之諸反側稍安至四十三年張維等復叛
巡海道周賢宜檄同知鄧士元擒解軍門斬之自是設
縣之議起矣
○二月饒寇突至詔安縣北門總兵俞大猷督

師勦捕副千戶許瀚陣斬其偽將詹總兵等賊鋒披靡
瀚論功陞銅山寨欽依把總○是月倭寇屯詔安溪東
三都土橋等處知縣龔有成召民兵與戰被殺六十餘
人自三月至五月住東關外分夥焚劫十月屯下尾圍
後溪寨有成發兵助其死守二十日乃解○是月倭寇
流劫長泰人和石銘等里至五月乃去焚殺不計○五
月南靖土賊流劫漳浦攝縣事同知鄧士元平之○是
月倭入漳浦嶼頭張璉陷椽嶼○閏五月十二日夜饒

漳州府志

卷之四十七

災祥

三

五百廿五

賊襲陷鎮海衛城殺掠官軍男婦無數

衛東門外有石其形如狗舊有

識云東門開石狗吠金鷄啼賊又來故常閉東門不開
另有一水門是年賊從水門入其日辛酉辛為金酉為
也○六月海寇同橫洋賊逼長泰城勇士林周夫等突

入賊營砍其旗城中居民乘之賊衆奔潰○是月二十

日夜南靖有奸民王叔統等潛引饒賊攻城知縣殷伯

固廉其狀先擒之賊知有備宵遁伯固尋改調去○八

月二十三日夜饒賊張璉襲陷南靖縣執攝縣事龍溪

縣丞金壁尋釋之○是年龍溪二三四都并海滄石

美烏礁等處土民俱反○四十一年正月東莞兵謀襲

漳城

時寇亂相繼有東莞叛兵密誘饒賊陷漳投參將
楊縉麾下因牙兵重賂于楊名之入城夜閉城中

柵門嚴禁民間來往將為內應謀漸露一郡惶惶有庠生會廷龍詣寺館諸兵執而鞭之府學生呂景率諸生自其事于巡海道邵榷謂此曹反形已具不撤危在旦夕仍與縉紳約保率同甲踐更守陴燈光如晝饒賊知有備不敢薄城越數日清明漳俗男婦登壘祭掃道經南郊東莞兵掠婦奪簪鄉兵格殺之餘各散去○

是月饒賊至漳城外巡海道邵榷調月港兵與戰不利賊屯東山流劫至北溪武舉林以靖督鄉兵禦於沙川力戰死○二月張璉合倭掠漳浦知縣龍雨築敵樓固守賊發城外塚掘骸勒贖焚掠無算○三月初三日饒賊復入南靖縣城散劫村堡有生員陳一德罵賊不屈死未幾張璉遁回賊巢總兵俞大猷遣千總游瑞清副千戶許瀚計擒之○六月海賊許朝光犯懸鐘陸鰲陸

漳州府志

卷之四十七

災祥

三五

五百九十三

鰲所鎮撫楊勳禦却之○十月倭寇圍詔安縣知縣龔有成禦却之○廿二日海賊吳平引倭寇襲陷懸鐘所千戶周華死之○是年冬饒寇陳紹祿犯平和○四十二年海寇許朝光自銅山登岸攻詔安番安堡殺擄六百餘人○四十三年二月叅將戚繼光大破倭寇于蔡

陂賊自仙遊流入漳浦湯坑眾數千人預設伏于蔡陂繼光至猝然蠡起兵為小却繼光立斬退縮者數人身自督戰賊大潰斬首三百餘級官兵戰死八十餘人立忠勇祠祀之繼光紀律嚴明每出人莫測或解甲犒師方與所在當道歡飲忽從間道急趨賊驚以為神或圍孤城亟父老扶攜登望女墻冀援兵旦暮且至見遠烟數點隱隱似旌旗狀忽炮響則賊已狼戾死散官兵業抵近郊大破之矣平倭平寇繼光之功與漳終始時人為語曰俞龍戚虎殺賊如土俞蓋指大猷也○既而劫詔安點燈山白葉洞

百戶鄧繼忠擒其首呿咬啞啞等有掠東西沈者知縣梁士楚遺家兵與千戶張鳳翹擒斬之。五月吳平假以招撫爲名入據詔安梅嶺堡。四十四年春吳平入詔安梅州土城破後港六月圍詔安縣燬木柵知縣梁士楚禦却之巡撫汪道昆命戚繼光刻日進討賊縛其梟黨陳縉卿獻于師諸軍夜從間道夾擊大破之賊遁入南灣繼光追擊俘斬萬五千人平潛逸去舟師追至交趾洋而還。四月撫按會南贛兵檄巡海道周賢宣督同知鄧士元叅將王如龍勦龍頭寨賊首曾東田馬元湘等滅之改其寨曰殺狐嶺。四十五年五月賊

漳州府志

卷之四十七

災祥

三

四百六十七

首林道乾自走馬溪登岸散劫詔安十月總兵戚繼光督閩廣兵勦滅之。隆慶二年賊首曾一本自泊浦灣登岸流劫詔安等縣九月南灣副總兵張元勳由陸路截殺于鹽埕又大敗之于大牙灣前後斬首六百餘級

道乾一本皆吳平餘黨

○三年五月曾一本合倭寇泊舡于雲蓋

寺柘林等灣賊勢甚盛六月閩廣軍門會兵勦滅之邊境始安

倭禍自嘉靖二十八年起至隆慶三年止凡二十餘年

○五年六月廣賊

楊老等泊南灣月餘謀犯閩地僉事梁士楚督海防同知羅洪辰率兵追捕之。萬歷十一年四月奸民吳雙引等謀襲漳城

會久雨城東南隅圯數丈賊以爲天助乃積芻府前涂嵩家約舉火爲號其

黨潘國佐等裝器械南河舟中候城中火起終顏垣入
有黃疆者素德于謝氏私語其故謝固要疆首于指揮
甘霖霖密遣廝養士伺涂嵩家前後環守亟諸署府推
官丁此呂督捕同知沈銳告變搜獲雙引等八人指揮
督兵登陣嚴閉諸柵國佐等見城上不舉火知事泄各
逸去次日悉捕獲之并其僭書偽號名冊巡海道徐秋
鶚分別首從斃之獄餘黨日布訛言城中惶
懼者兩月秋鶚廉首孽真諸法訛言始息 ○十九年

七月奸民董公蔡楊中謀襲長泰縣 先是公楊中等修

至是謀乘夜襲城隣人蔡炳密偵之白其事于知縣李
學詩捕楊中等一鞠盡服適延平推官羅心堯以行部
至泰再訊具得其實邑同謀者滿紙心堯密諭邑令捕
其素無賴數人與楊中等俱解府郡守李載陽笑以為
時當承平何物猩猩敢窺我金湯百二乎反形未具宜
釋之學詩泣爭乃返諸賊繫之獄賊益肆無忌與餘黨
厚集亡命連結客兵為外應二十年約以三月朔日夜
舉事誤聽為二月之晦是夜諸賊戕獄卒突入縣衙時
學詩家屬先一日歸獨二蒼頭及醫者以身翼蔽學詩
猶被數刃蒼頭醫者俱傷賊以為令斃出攻居民縱火

漳州府志

卷之四十七

災祥

三

六百八十五

登城傷戍卒喊聲震地應者以非期不至賊斬北關出
日午為鄉兵所擒當賊起時大司馬戴曜憂居閩變立
起負劍入縣尋令及符篆所在戒居民無輕動第具器
械謹守柵門以防衝突邑人從之及賊走令捕官督兵
尾其後而遣人持酒食犒客兵使
不得渡河故不移時而諸賊就戮 ○二十五年海賊無

齒老寇漳浦古雷把總張萬紀殲之。三十年呂宋殺

中國人在其國者二萬五千海澄人尤多。三十二年

海賊周四老作亂詔安知縣黎天祚擒其二魁斬于城

上賊遁去。三十四年漳浦庠生趙秉鑑謀襲縣知縣

黃應舉捕擒之。四十六年海賊袁八老劫詔安沿海

村落既而就撫。天啓二年紅毛據澎湖由鷺門逼圭

嶼海澄知縣劉斯球守計甚備賊退中丞南居益誓師

海澄直抵澎湖與戰悉遁去。四年詔安烏山賊麥有章沈金目寇縣城百戶易彌光率兵討平之。官軍密拘附山居民

為嚮導偵賊糧盡復出設伏扼其歸路彌光冒險深入鄉勇翼以長戟勁弩遂蕩其巢。六年春

海寇鄭芝龍自龍井登岸襲漳浦舊鎮殺守將遂泊金

門廈門樹旗招兵旬月之間從者數千所在勒富民助

餉謂之報水。四月芝龍遣賊將會五老泊海澄港五

月遣賊將楊大孫大掠海澄蘆坑十二月自溪尾登岸

把總蔡以藩力戰死哨官蔡春單騎先突其陣諸軍繼

之賊退既而寇九都圍學宮城學博李華盛烏紗奉

先師神牌登城退之時海澄邨落無幸免者。崇正元

漳州府志 卷之四十七

災祥 五十七

年鄭芝龍由廈門抵銅山三月攻杜海堡鄉紳邱懋煒

率眾拒却之。未幾芝龍與李魁奇俱就撫芝龍授遊擊尋遷副總兵盤踞海濱上至台溫吳淞下

至潮廣近海州郡皆報水如故同時有蕭香白毛並橫海上後俱為芝龍所併。五月海賊周

三老由卸石灣直抵懸鐘城堅守不下遂流劫內港象

頭等處所過村落屠戮無遺。是年海寇楊六楊七等

百餘艘散劫懸鐘勝澳卸石灣等處焚兵船民舍殺戮

不計。二年六月撫寇李魁奇復叛寇海澄知縣余應

桂遣兵擊敗之。時賊犯青浦應桂遣把總吳兆熾張天威哨官蔡春迎擊擒賊首二人旋寇高

港從中港犯龍溪許茂兆熾天威往援斬首十三級擒五人八月犯龍溪福游石碼兆熾春獲其戰艦一哨官

賈希戰死鄉壯張宇移炮碎賊艦于海澄港哨官葉景惠與天威擒其渠魁黃傑于中港總兵趙震飽賊貨出

傑于獄賊鼓棹沿普賢溪尾菜港三路並入舳艫相望
炮營中軍魯文廷把總袁德擊之兵數合蔡春傷足德
亦被傷衝鋒許界壯士張明俱戰死天威揮戈奮擊吼
聲如雷兆熾與其弟兆熾翼袁德裹瘡縱兵大戰所向
披靡賊遁出港腰城及炮營擊碎賊艘
無數是役也死傷相半然賊自是不振
○九月賊復寇

青浦壯士林瀚率眾禦之擒其魁轉寇漳浦白沙張天

威與吳兆熾往援夜行枵腹數十里猝遇賊天威力戰

死既而賊焚劫溪東西吳兆熾禦之斬首十四級焚賊

艦器械甚夥。五年四月海寇劉香寇海澄乘夜抵浮

宮知縣梁兆陽遣把總吳兆熾袁德合兵大破之賊樓

若雉堞我兵皆小艇賊矢石交下莫能仰視自夜至辰
力戰未決驍卒林行奮勇先登斬其魁賊交刃之鳥翔
而下墜小舟袁德再登眾繼之斬級
四十有三生擒二十五人溺死無數○六年七月紅毛

漳州府志 卷之四十七

災祥 壬九 五百七十五

入料羅窺海澄境知縣梁兆陽率兵夜渡浯嶼襲破之

焚其舟三獲舟九既而巡撫鄒維璉督兵再戰再捷賊

遂遁。是年劉香沿劫詔安諸村落十月由卸石灣登

岸沿江焚殺直至懸鐘北城下。七年有紅毛番船泊

銅山及詔安五都地方焚劫甚慘官兵縱火焚舟悉斬

其酋無一人還者。八年遊擊鄭芝龍合灣兵攻劉香

于田尾遠洋平之香漳浦人自辛未以來頻年衝突上
犯長樂下襲海豐銅山古雷游澳之

間出沒不常至是
勢蹙自刎而死○十二年十一月山寇李推李隨謀

襲漳浦署縣推官彭瑄捕擒之。十五年正月平和小

溪賊梁良率賊乘夜抵郡城南門是日巡按將閱操漳

州衛百戶徐廷棠督兵戰于南橋賊敗走沿途搶掠而去。十六年四月漳浦山賊陳鸞邱縉等寇掠東山與余五番薯八相繼出沒後俱為鄭芝龍招撫。是年詔安山寇余五姐犯四都知縣所官督兵迎戰被獲武生沈致一林惺南許和公俱戰死黎明縣眾合諸村精銳徑搗文家寨賊營奪知縣所官以歸。是冬賊崔馬武逼詔安城劄營西沈守陴者夜擒踰堞奸細梟之以示賊解去。

國朝順治元年自元年至三年江南福王福建唐王相繼自立漳尚未歸順。十月山

寇徐連陷雲霄遂攻漳浦縣時邑中乏令漳南道陳起龍自郡移駐登陴守禦自

漳州府志 卷之四十七 災祥 三十一 五百六十六

分必死裹衣皆用印符血戰累日賊死無數城賴以全檄長泰知縣郁文初來署縣事而自回漳既而鄭芝龍收其餘眾請降起龍堅執不可解所著裏衣示之悉斬於南教場。是年賊葉積掠詔

安吉林西潭等處聞官兵急追遁入廣。二年七月北

溪賊林拔順謀襲漳城先是守道陳起龍多善政及卒民肖像祀之南橋歸里前三日

樞吼聲不絕如磨遠近皆聞紉行軍民傾城祖送至赤嶺鼻三折眾異之百戶徐廷棠跪請樞前曰老大人去

漳屢見神異得非城中有急變乎連擲六筭皆聖急回郡遣卒伺緝城內外動靜忽元妙觀前見數十人各頭

挿茉莉花一枝耳卜者曰聽說時已至何未動卒急報官閉諸城門捕獲訊之乃知賊謀王舍為內應也舍故

宦家子通判嚴御風託往拜即其家擒之。八月饒寇百姓立斃王舍陳尸於市賊知事泄遁去。

逼詔安土寇應之官兵禦賊於章朗埔即漳潮司舊址殲之。

三年 大師入漳。是年四月賊夜襲破詔安縣殺唐

王所署官有陳習山胡仲慥者各帶丁壯赴援賊墜城遁○秋九月我兵由漳平北溪入漳城諸縣各以次歸

附○是月鄭芝龍降子成功遁入南灣成功芝龍微時

生芝龍既貴倭歸之尋歸其母唐王據閩芝龍封侯加

太師既而密謀歸款我師至泉成功母死于兵自以向

受唐王恩厚出入宮中賜國姓且母死非命故終無降

意芝龍既降成功逸去與所善陳輝張進等收芝龍散

卒于南灣尋泊鼓浪嶼附○鄭彩鄭聯據廈門沿海銅

者日衆卒為沿海大患

山古雷游灣等處悉為寇穴○四年二月漳浦佛潭橋

民奉庠生楊學臯為帥陷漳浦知縣許國楠投井死越

五日郡遊擊唐欽明都司郭秉誠往平之○是月鄭成

功鄭彩寇海澄賊將王來破九都學城叅將田爵禦之

漳州府志

卷之四十七

災祥

三

四百九十八

焚橋而守知縣吳治臣自漳回賊要殺之漏仔洲副將

王進自郡赴援夜開西門架棧飛渡繼入學城賊皆熟

睡盡殲之既而擊賊于南門附殺其前鋒將洪致賊阻

閘水多溺死成功遁去○十二月漳浦土賊黃春召僧

道贊寇縣城遊擊唐欽明擊走之又敗之于楓林土坑

龍洞寨未幾寇西嶼白沙為大灣鄉兵所殺○五年春

詔安大饑借名起義者殺防將馬守惠正月陷詔安二

月賊首江警庸黃朝陽圍南陂堡民林朝翊率族人固

守賊解圍去○三月許祚昌圍漳浦遊擊唐欽明禦之

援兵至乃退

祚昌浦人明太僕卿

○四月沈起津圍漳浦遊擊唐

欽明禦之尋遁去還據詔安起津詔安人明池州推官 ○六月雲霄

鎮守總兵王之綱為潮寇所逼退歸漳浦盤陀嶺以南

悉為寇有○是月平和防將會慶尋引廣寇偽稱明永

寧王據二邑以叛○十一月漳浦土寇盧若騰邱建會

合平和賊萬禮等寇縣城參將陸大勳出戰被殺總兵

楊佐參將魏標守將馮應第再戰擒建會殺之○十二

月總督李率泰入平和戮會慶及謀叛者十三人○六

年七月漳浦佛潭橋寇據新亭總兵楊左攻之不克○

十一月鄭成功陷雲霄守將張國柱死之士卒死者無

數進攻漳浦守備王起倖密約為內應謀洩走降賊賊

漳州府志 卷之四十七

災祥

三

四百四十九

退遁盤陀總兵王邦俊追破之遂復雲霄起倖西人既降賊始教之

騎射成功○七年三月總兵王邦俊平詔安二都山賊甚任之

五月師還漳浦襲楊學臯大破之學臯降○八月鄭成

功殺鄭聯於廈門并其軍○八年二月提督馬得功破

廈門四月鄭成功還據之○六月鄭成功入浮宮港掠

我山總兵王邦俊兵敗于方田賊薄海澄縣三日始去

○十一月陷雲霄莆美參將包泰興死之遂陷詔安平

和二縣○十二月襲漳浦賊舊將陳堯策潛為內應囚

駐防副將楊世德知縣范進焚掠四郊偽參軍潘庚鍾

城中沿門索餉酷刑拷勒浦人比之前明倭尤兩寇為

烈云○是月海澄守將赫文與質其子于成功結為內
應○九年正月鄭成功大舉入漳至海澄赫文與開城
納之知縣甘體垣不屈沉于海遣將分徇各縣以上中
下為餉額酷拷富戶○是月賊將甘輝分兵攻長泰知
縣傅永吉嬰城固守死之先是崇禎末知縣郁文初製
佛郎機百子銃炮藥彈備禦
器械甚夥永吉悉發以擊賊賊死傷殆半乃復益兵運
大炮攻城城幾陷會副將王進與建寧王總兵高副將
來援搗其背賊稍散我兵入城合圍如故發炮塌城二
十餘丈進永吉親當其鋒且戰且築永吉中炮死三月
六日昧爽賊發地炮城垣磚石皆飛忽西風大作磚石
飛起者反吹擊賊賊死無數城中官兵乘之會總督陳
錦援兵至同安賊遂拔營霄遁凡四十九日圍始解○三月總督陳錦兵敗于江
東賊遂圍漳州四郊居民入城各依所親城門堅閉陳錦

漳州府志

卷之四十一

災祥

三

五百七十六

之敗也其奴庫成棟刺○五月浙鎮馬逢知來援入漳

城時號金衢馬賊議築鎮門截溪流灌城堤不得合旋

罷城中被圍日久斗米直五十金食人炊骨死者七十

餘萬人○九月固山金礪援兵至泉鄭成功解圍屯古

縣地名在城南十里○十月朔日固山金礪大破鄭成功于古

縣是日西北風大作賊發火箭火炮皆反風自焚滿漢

兵乘烟衝突賊大潰陣斬黃山陳倬廖敬郭廷洪承

寵皆巨魁也成功遁入海澄毀學城時諸村落逃○是

散復歸者室家俱破繼以瘟疫城內外幾無炊烟

月副總兵王進復漳滯賊黨在平和詔安者皆遁去○
十年五月固山金礪攻海澄填濠深入賊發地炮士卒
多死退還漳州鄭成功增築海澄城安大小炮三十餘

號積糧草儲軍器以為持久之計○十一年正月有撫
寇之議鄭成功遣其黨散各邑沿鄉派餉凡數月漳及

興泉皆罹其害○十二月鄭成功入漳州

先是千總劉國軒魏標潛

通成功十二月初一夜賊將甘輝洪旭等直至南門國軒開城納之總鎮張世耀知府房星葉俱降賊成功繼至各屬縣多迎降因籍城中及各縣富戶比餉然成功用法素嚴市肆不擾兵卒無敢淫掠者故城內稍安

○十二年春 世子王率大兵入閩成功度勢不支六

月墜漳州及漳浦南靖長泰平和詔安各縣城

時郡城民屋無

論大小俱拆毀浮木石於廈門所存者惟神廟寺觀而已○是年春賊將黃萬陷詔

安溪南堡殺掠如洗○十二月總兵楊捷入漳諸縣皆

以次恢復漳浦賊黨遁去獅頭城捷勦之民被其禍者

漳州府志

卷之四七

災祥

書

五百二十七

甚慘○十三年六月黃梧蘓明以海澄降

梧平和人與明俱鄭成功

部將梧與蘓茂陷揭陽為廣東平南王所敗成功斬茂明茂弟也懼不自保乃俱內附

賊將甘輝

等率眾至則我師已先入矣輝焚中權關取倉庾以去

城中蓄積皆為我有黃梧進爵海澄公駐劄漳州蘓明

授哆李幾昂邦內大臣召入京師成功既失險要又喪

軍實乃決計寇江南而漳民稍息○十五年正月賊將

萬禮破詔安菁山磁竈等二十六寨堡赴援者未至皆

為所破○三月山賊掠平和瑄溪署縣事陳堯先遇諸

塗為賊所害○十六年鄭成功寇江南兵敗甘輝萬禮

等俱被擒精銳喪盡成功逃歸屯據廈門抽沿海居民

為寇。○四月我師勦海澄小東山。○是年詔安二都環沙寇江警庸等密結成功為內應知縣歐陽明憲合饒鎮總兵官吳六奇平之尋勦烏山賊巢擒其首蔡四。○十七年五月將軍達素總督李率泰海澄公黃梧分督水師官兵出海門斬偽閩安侯周瑞漸迫廈門會東風大作我兵多北人皆眩暈成功麾兵鏖戰遂大潰數日屍浮海岸者萬餘官軍十居七八。○十八年四月鄭成功破臺灣據之。臺灣始末詳見雜記○六月賊將蔡祿郭義燬銅山入雲霄就撫偽忠匡伯張進自焚死祿義俘掠銅山子女以萬數哭聲震地死者相枕藉既而銅山仍為賊

漳州府志 卷之四十五

災祥

三五

五百三

踞。○九月遷沿海邊地以垣為界龍溪自江東至龍江以東漳浦自梁山以南舊鎮以東鎮海陸鰲銅山海澄自一都以至六都詔安自五都至懸鐘皆為棄土。先是原任漳州知府房星葉降賊逃歸使其弟候補通判星曜上言海賊皆從海邊取餉使空其土而徙其人寸板不許下海則彼無食而賊自散矣至是上自山東下至廣東皆遷徙撥兵戍守

康熙元年春三月南海偽忠勇侯陳豹降。豹短少精悍自唐王入閩據南○五

月鄭成功死。○二年以同安副將施琅為水師提督移鎮海澄。琅泉州人成功舊將風宇魁梧號知兵海上樓○成功詣軍門降。○十月水師提督施琅海澄公黃梧立功至是擢提督。

督兵出海澄港會總督李率奉陸路提督馬得功攻廈門得功船為賊所圍赴水死鄭經棄廈門金門走銅山經成我兵入廈門墟其地而還○三年三月鄭經遁入臺灣偽永安伯黃廷武衛周全斌杜輝等俱先後入漳降者甚眾○八月總督李率泰上疏取臺灣以施琅掛靖海將軍印總統投誠諸將周全斌等○四年四月靖海將軍施琅等出洋未至澎湖颶風大作各舡飄散不能相顧皆引還未幾施琅加伯爵歸京移投誠兵將分駐各省屯田數年間漳境相安無事○是年平和清寧里賊首羅晚陳愛新安里賊首鍾光俱就撫先是晚愛與葉中等

漳州府志

卷之四十七

災祥

三十六

四頁六

結巢官寮山四出劫掠蘆溪受害最酷及就撫則中已死晚愛率二百餘人道經蘆溪居民見賊大憤集眾盡殺之鍾先道經邑南門溪岸民迫之於放生池賊五十餘人亦盡殺死又有賊首李晚劫饒平敗回鄉壯悉截殺之自是平和之盜稍息矣○十三年三月耿精忠反傳檄至漳巡海道陳啓泰死之漳浦鎮劉炎海澄鎮趙得勝俱降漳屬各縣望風降附○四月海澄公黃梧卒○是月潮州

劉進忠反詔安亂兵殺防將○鄭經遣劉國軒何祐馮錫范入廈門趙得勝復降鄭○五月鄭經據廈門經之東遁也偷安日久舡不滿百軍不滿萬精忠頗易之經使人借泉漳二府為名募精忠難之于是耿鄭交惡○六月黃芳度芳度黃梧子襲殺偽漳州城守劉豹豹精忠所署時鄭經

已入泉州芳度先使人賈密疏間道詣京求援欲起兵自守故先殺豹經自泉遣使加封芳度佯受之而日遣人名募署部伍為守城計○九月耿精忠遣兵趨平和海澄公標將

賴陞大敗之於上淡橋○十一月鄭經遣趙得勝何祐

馮錫范攻漳浦劉炎降○經分設六官算丁錢大索富

民餉○十四年正月耿鄭通好○五月鄭經入海澄分

兵掠南靖平和遣鄭斌徵黃芳度兵芳度不從○六月

鄭經圍漳州黃芳度起兵禦之使其兄芳泰突圍入粵

請援芳度年少然沉勇有謀經發衝棚龍煩大炮百道仰攻城圯六十餘丈芳度立柵輦土且築且戰須

吏而就時出輕師蹂躪鄭氏壁斬其偽將萬宏數月間經

剽銳死傷大半乃築長圍守之是時粵東兵圍劉進忠於潮州芳泰至

乃分兵救漳○十月黃芳度部將吳淑與弟潛叛降

漳州府志

卷之四十七

災祥

三

五百四十一

于經初六日昧爽開門納賊黃芳度死之芳度登芝山見勢不支馳

至開元寺赴井死是日芳泰以粵東援師至永定已無及矣經入漳收芳度族戚將佐黃翼蔡龍等皆被殺

○十六年二月大兵至漳鄭經走廈門各縣以次恢復

○三月漳浦巫者蔡寅挾左道惑眾聚海上殘卒夜入

泉州斬關而出人以為神附者日眾蔓延漳泉間派糧

以食頭裹白布時人謂之白頭賊○十月鄭經遣何祐

入南靖小溪吳淑入長泰屯天成寨○十二月我兵圍

吳淑于天成寨蔡寅率眾援之淑突圍出走○是年以

黃芳世襲封海澄公兼水師提督黃藍為海澄總兵芳世

芳度兄前為侍衛藍○十七年二月初十日劉國軒吳

即賈密疏入京者

淑犯海澄十一日破玉洲三义河福潯十八日燬江東
橋廿三夜破石碼郡城詣路援兵皆爲所敗遂屯祖山
頭以逼海澄副都統孟安陸路提督段應舉寧海將軍
喇哈達平南將軍賴塔會師來援賊退屯石碼築垣拒
守○是月賊以萬餘人掠平和庵後旋攻下埔土堡堡
中悞墜火硝藥中火發賊招之令出欲縱之蓋賊意原
在金帛也然終無一人肯出者計焚死二千餘人賊彙
引去○三月劉國軒列陣於赤嶺在郡東十里戰方合蔡寅
率衆出天寶山以牽我軍之勢提督黃芳世擊敗之○
既而國軒樹柵雙橋滿漢兵連營進勦軍于水頭灣腰

漳州府志

卷之四十七

災祥

三

四百二十六

樹十一日黎明國軒佯遁少頃我兵方蓐食賊揚航登
岸直趨水頭衝滿漢軍爲兩截段應舉奔海澄黃芳世
幾爲所獲走入漳尋卒○賊既據水頭鎮門截海澄餉
道應舉集滿漢官兵營于祖山頭國軒率勁卒登山遣
吳淑遶出祖山之背應舉敗入海澄國軒以澄四面皆
水夜築營鑿塹于要路圍之數重由是內外阻絕○是
月平和士寇張雄引詔安官陂賊廖典照縣城搶掠一
空既而典投誠于漳未幾仍乞鎮平和拆毀邑居殆盡
○四月逮總督郎廷相以布政使姚啓聖代之以按察
使吳興祚爲巡撫調江南提督楊捷入漳合兵救海澄

○五月賊營燈火寨在筆架山南以下臨大溪順流可通海澄故也是時援軍

四集俱屯於筆架山姚總督遣兵破賊將林彪張鳳于

岳嶺陣斬鳳公子姚儀以牛載土囊填塹進至第三重

賊炮火齊發我兵終阻于水不能近城○六月海澄陷

提督段應舉都統穆伯希佛死之時城中圍八十餘日食盡殺馬羅雀鼠繼

以人革骨楮幣皆盡城陷應舉投弓北向再拜與穆俱自縊黃藍死于亂軍初入城官兵二萬餘人及陷存者

不及三分之一○是月賊陷長泰城守黃輝開門納之○九月總督姚啓

聖遣兵復長泰○是月劉國軒自泉遁歸列營觀音山

山在鎮門築十九寨既而戰于長泰溪西官軍前鋒稍却總

督姚啓聖援之耿精忠故仇鄭拔刀砍地曰吾得與此

漳州府志

卷之四十七

災祥

三九

五百四十九

賊俱殲吾死不恨矣親督戰立斬退縮者三人大呼馳

入賊陣諸軍從之斬偽鎮鄭英吳正璽等破其營斬首

四千捕鹵一千二百餘人亡溺者以萬計國軒尾所乘

馬泗河以遁○十二月再議遷界甲寅之變沿海遷民悉復故土丁巳恢復

康親王上疏以遷界累民至是督撫請再遷從之○十八年三月劉國軒據果

堂寨果堂逼近江東橋扼要之地○十月賊築坂尾寨即蕭井寨官軍攻

之不克○十一月總督姚啓聖設修來館于漳州首領降者

官之銀幣袍服雖下隸小卒無不遍及有既受撫而仍歸賊者啓聖聽其來去多縱反間由是賊黨轉相傳誦

人心携貳降者接踵卒成○是月吳淑死時坂尾寨新築淑守焉墻

崩淑壓死○十九年二月偽鎮陳昌降○是月我師復漳人快之

海澄巡撫吳興祚水師提督萬正色入廈門鄭經遁歸

臺灣陳昌既降經國軒等見勢不支又聞官兵已扼料羅料羅者通臺灣港道也遂焚廈門行官以遁

○二十年正月鄭經死○五月總督姚啓聖請攻臺灣

復以施琅為水師提督仍掛靖海將軍印改萬正色為

陸路提督○二十一年五月總督姚啓聖率官兵至銅

山候風出洋以風不利暫遣官兵回汛○二十二年六月靖海將軍

施琅會各鎮官兵發銅山遂破澎湖○七月我師入臺

灣鄭克塽降塽經子設一府三縣自是漳人共享昇平無

復海患○二十四年六月三十夜賊夥林恩陳媽等十

餘人謀襲漳城不果事洩駐防總兵官金世榮悉杖殺

漳州府志

卷之四十七

災祥

罕

四頁五十九

之○三十年三月奸民林姐謀襲漳城事覺姐逃之瑄

溪左營遊擊張繼良率兵掩捕合瑄溪汛兵擊之姐被

擒斬於市○三十六年四月詔安賊呂扁聚黨于平和

白葉渠渠深險為廣東大埔縣山聯界數日間衆至七

百餘人劫掠漸逼縣城時居民俱依鄉堡為固賊無所

得食間道夜趨南靖之山城墟會阻雨既至天已明賊

爭奪食汛防千總會高捷擊走之轉遁平和高際約正

吳元臣糾鄉壯擊殺賊百餘人生擒者數十梟呂扁餘

黨俱散○三十七年七月賊首鍾平鼻呂扁黨也是年

平和有更丈糧之議人情洶洶知縣奔郡城平鼻潛結

羣盜營大豐社距邑三十里約期劫縣而自為內應與弟鍾二乘間登城伺探為營兵所執殺之邑鄉壯夜薄賊營知平鼻既誅皆潰。四十一年夏漳浦賊首曾睦聚黨百餘人于七星洞官兵往捕遁入竈山走平和山中豎旗集眾謀再至浦知縣陳汝成以間諜誘睦入浦界伏鄉壯掩擊生擒睦杖殺之餘黨悉散。四十三年冬十月海賊徐容就擒容本名林老大平和小溪人初在廣東海豐碣石衛招集亡命有船五隻與賊首辛老大陳老大吳開錫阿寶尾同下海分仁義禮智信五字號每船不過數十人其後賊眾漸盛辛老大之弟辛五十七又別為興字號俱橫行海中而屯劄則在碣石衛平海所丁糧線尾四處居多是年容率其黨余阿尾自廣開洋一路劫掠與辛五十七陳老大吳開錫會于山東十月容還至寧波舟山外岐

漳州府志

卷之四十七

災祥

罕

五百六十八

上

欽

山洋面遇日本番船二隻劫之行次漳浦古雷外船航忽壞賊各携重賞催小船登岸過雲霄為保甲盤獲容與其黨八人俱就擒知縣陳汝成庭鞠之廉得其狀繼問以斯撫機宜悉得賊中要領因上言于督撫請活徐容俾招餘黨自贖籍其財物解充兵餉其明年悉差刑部侍郎常壽巡查閩粵置容軍中隨地招撫餘黨

人從東南壞塚潛入突入縣署搶掠財物雞鳴而期者不至倉皇出東關遁官兵同鄉壯尾其後擒獲四賊一斬市曹三斃獄中。至六十年冬始獲賊首薛合梟首示眾籍沒其家。五十八年正月初四日長泰民間訛言四起婦女盡逃鄉村止留男人守宿十五夜訛傳賊至男女亂竄衣服器物輒投井中。六十年四月臺灣

作亂郡城戒嚴居民逃竄僅存紳士衆扶老携幼有司莫能禁止各鄉寨堡皆增築

乾隆二年八月有同安奸民柯欽潛匿長泰境妖言惑衆事覺官司捕治○七年六月漳浦民賴石殺其知縣朱以誠○是年七月詔安陳作謀爲不軌旋擒獲伏誅○

十七年十二月十七日平和賊匪蔡榮祖等謀襲郡城事洩被獲與其黨四十二人俱斬於市榮祖平和諸生素與南坪妖道

馮珩交好至是謀爲不軌期于十二月十七夜襲城先一日榮祖由瑄溪買舟舟中藏軍器火藥是日至南靖湖山爲鎮標守備葉相德南靖典史周履忠擒獲其黨翼散布郡城內外者以次就擒○三十三

年三月十四日漳浦盧茂作亂知縣徐觀孫把總會大

漳州府志

卷之四七

災祥

四

四百五十六

猷撲滅之○三十五年正月詔安李少敏謀爲匪賊先事擒獲立誅

灾祥 新增

國朝乾隆四十八年正月十六酉時雲霄溪邊杉寮火延燒店屋百餘間。五十四五十五五十六年連年旱荒斗米價錢九百文斗麥價錢六百文。五十六年三月初六辰時地大震有聲如雷民居多損壞。五十九年八月十一十二日龍溪南靖長泰海澄四縣大水郡城水積半旬不退人口淹斃民居倒塌無數奉

恩旨按例加兩倍賞卹該處衙署倉庫監獄兵房等項卽速動項興修俾得以工代賑。六十年漳浦海澄詔安龍溪等縣近海低窪田禾猝被海潮淹沒奉

漳州府志

卷之二十七

灾祥

三

三百七十一

恩旨分別成災不成災蠲免本年錢糧及緩至次年徵收各有差其被災較重者於正賑外不分極次貧民均賞給三月口糧

嘉慶元年漳屬大飢石米價二兩八錢至三兩二錢不等。九年春陰淋彌月升鹽價錢八九十文。十一年五月龍溪南靖二縣大水奉

恩旨散給貧民一月口糧。二十五年秋八九月漳州大疫男女吐瀉暴卒不可勝數

道光七年銅山黃忠端祖塋有奸人謀侵隙地山石忽成苔字若黃山黃界黃字或真或隸凡八九處

咸豐二年五月漳浦大風壞民屋

同治二年秋七八月彗星屢見。十二年六月二十七日
颶風大作飛瓦拔木繼之以雨歷數時久龍溪海澄南
靖皆同而漳浦一縣為尤甚

寇亂新增

國朝嘉慶元年春銅山營叅將李長庚等追敗安南艇匪
於海上先後擊沉四艘。二年雲霄鎮奸民陳興等作
亂遊擊陳名魁撫平之興與吳龍吳天三人脫逃搜捕
就戮

咸豐二年四月初七日同安轄雙刀會匪黃德美陷海澄

漳州府志

卷之四十七

災祥

四

一百七十六

駐防遊擊崇安死之賊眾分陷石碼。初十日陷郡城
總兵曹三祝汀漳龍道文秀死之同日陷長泰典史亢
家駱死之。十二日陷漳浦典史潘振烈死之是日文
秀子恩志入郡求父屍城鄉義民奮起殺賊遂復郡城
。十七日復漳浦。十月長泰海澄石碼以次收復黃
德美匿烏嶺橋為訓導黃倫生員黃永梧率族眾搜獲
之并其叔黃光箸即黃大箸股匪黃光揭解廈門磔死

同治三年九月粵逆偽侍王李世賢由汀州永定一路竄
入漳境十三日連陷平和南靖南靖典史司徒炳死之
。十四日陷郡城大肆焚殺城鄉男婦老幼不屈死者

數十萬人總兵祿魁汀漳龍道徐曉峯知府扎克丹布
龍溪知縣錢世叙府學教授池劍波子益大使池讓經

歷張徵庸陳宗元遊擊沙肇修死之代理南靖縣陳能超至十三日猶以

無賊稟覆致郡城不及設備○二十五日賊結土匪由平和攻陷雲

霄○十二月十九日陷長泰知縣陳疇陣亡越二日收

復○四年正月二十一日陷漳浦漳標把總葉騰蛟外

委鄭昇章死之○三月初六日陷詔安時官民嬰城固

守已逾七月知縣趙人成典史姜錫安署漳潮巡檢方

顯廷守備金占熊前署詔安營守備沈龍章把總葉勝

華吳殿揚任林死之人成先期懷血書于身云地莫非王土臣莫非王臣孤城獨力盡瘁

漳州府志

卷之四

災祥

四

四百六十四

厥身碌碌黃鎮擁眾萬人坐視不救害我良民○四月二十一日按察使王德

榜署陸路提督郭松林署浙江提督高連陞記名提督

黃少春署浙江衢州鎮劉清亮記名提督楊鼎勳署水

師提督曾玉明等各率所部分路進攻于亥刻克復府

城南靖平和漳浦雲霄諸廳縣以次收復幫辦軍務劉典攻克南靖

斬獲最多雲霄漳浦賊二萬餘人甯近平和為高連陞等軍迎擊生擒偽祥王黃隆共其偽利王朱逆等股

亦經王德榜○五月初一日我師夜復詔安越二日會

粵軍生擒侍逆伏誅餘匪多獲髮投誠